

Sampaguita

Gardeopatra Quijano

Ilingaw ko sa mga Magbalak Floripinas, Flor de Lagrimas ug E. Bati ancilla

Maputi ikaw sama sa gabon,
Mahumolhumol sama sa seda ;
Mahumot kaayo kag alimyon--
Minahal kong bulak sampaguita.

Panagway mo ingon sa bitoon
Nga gihulog pagtuyo sa yuta,
Amppingan ko ikaw ug mahalon
Kay gikan man ikaw ni Bathala.

Ang mga gihay mo nga gidigo
Sa mga yamog sa kabuntagon,
Misamot kaanyag sa pagguho
Sa adlaw mahayag masaaron.

Bulak nga mahal sa among yuta,
Sa among mga damgo larawan :
Kausahan sa among tinguha--
Ang gidamgo namong kagawasan!

Nan, karon tipik sa among gugma,
Ikaw nga adunay pagkahamis,
Dili mo gayud ikatingala
Kon halokan ko ikaw matam-is.

Ug kutloon ikawg tuhogon,
Isab-ong sa liog sa magbabalak,
Aron ang iyang damgong mabihagon
Ikahablon sa usa ka balak.